



UNIT KORPORAT DAN PERHUBUNGAN AWAM

MAKLUMAT MPJBT MELALUI AKHBAR UNTUK BULAN OKTOBER 2016

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	010-2016/001	09.10.2016	Sinar Harian	Info PBT	Kerajaan pusat perlu tumpu soal air,pengangkutan awam di Johor
2.	010-2016/002	09.10.2016	Sinar Harian	Info MPJBT	Terharu masih ada yang prihatin
3.	010-2016/003	17.10.2016	Sinar Harian	Info PBT	Rancang sekat kenderaan berat
4.	010-2016/004	17.10.2016	Harian Metro	Info PBT	3 inisiatif baru
5.	010-2016/005	17.10.2016	Berita Harian	Info PBT	Pendekatan baharu mantap sistem pengangkutan awam
6.	010-2016/006	18.10.2016	Utusan Malaysia	Info MPJBT	131 keluarga India terima sumbangan MPJBT
7.	010-2016/007	24.10.2016	Sinar Harian	Info MPJBT	“Tak perlu bayar orang lain”

RINGKASAN LAPORAN UNTUK BULAN SEPTEMBER 2016:

JENIS ARTIKEL	JUMLAH
ADUAN	0
INFO MPJBT	3
INFO PBT	4
JUMLAH	7

MAJLIS PERBANDARAN JOHOR BAHRU TENGAH

No. Daftar	:	010-2016/001
Tarikh	:	09.10.2016 (Ahad)
Jenis Akhbar	:	Sinar Harian
Jenis Artikel	:	Info PBT
Tajuk Artikel	:	Kerajaan pusat perlu tumpu soal air, pengangkutan awam di Johor



Kerajaan pusat perlu tumpu soal air, pengangkutan awam di Johor

JOHOR BAHRU - Johor berharap kerajaan pusat terus memberi perhatian untuk meningkatkan keperluan di negeri ini dalam pembentangan Bajet 2017, khususnya daripada segi infrastruktur.

Menteri Besar, Datuk Seri Mohamed Khaled Nordin berkata, sudah sampai masanya soal air dan pengangkutan awam di Johor diberikan tumpuan oleh kerajaan pusat.

Menurutnya, dari segi jalan, rangkaian dan sebagainya, kerajaan negeri berpuas hati malah tahu sudah banyak kerajaan pusat belanjakan.

"Kita memerlukan infrastruktur dalam perkara-perkara yang lain. Jadi sama-sama kita tunggu pembentangan bajet oleh perdana menteri.

"Sama-sama kita doa semoga Johor mendapat perkara yang dirasakan sangat perlu dalam mendukung dan membantu mencapai hasrat serta



Mohd Khaled (tengah) ketika sidang media Persimpangan Bertingkat Senai Airport City dan Bukit Amber di KM10.95 (exit 254A) Projek Lebuhraya Utara Selatan (PLUS).

matlamat kita," katanya selepas merasmikan Persimpangan Bertingkat Senai Airport City dan Bukit Amber di KM10.95 (exit 254A) Projek Lebuhraya Utara Selatan (PLUS), di sini, semalam.

Mohamed Khaled berkata, Johor mempunyai prasarana terbaik yang membantu dari segi meningkatkan keupayaan saingan pelabur asing.

Justeru itu, katanya, soal infrastruktur merupakan perkara yang sangat penting untuk dijadikan asas oleh pelabur sama ada dari dalam negara ataupun

luar negara.

"Walaupun mungkin kita boleh anggap ke mudahan kita ada ini lebih baik dari sesetengah negara, tetapi saya percaya itu bukan asas tepat dalam kita menentukan sama ada peruntukan patut diberikan kepada satu-satu negeri atau kawasan.

"Asas lain yang perlu diambil kira ialah sejauh mana jika peruntukan diberi boleh meningkatkan lagi keupayaan saingan negara," katanya.



MAJLIS PERBANDARAN JOHOR BAHRU TENGAH

No. Daftar : 010-2016/002
Tarikh : 09.10.2016 (Ahad)
Jenis Akhbar : Sinar Harian
Jenis Artikel : Info MPJBT
Tajuk Artikel : Terharu masih ada yang prihatin



Terharu masih ada yang prihatin



Mohammad Khairi (kiri) sempat meluangkan masa bertanya khabar keadaan Kamala yang menderita penyakit diabetes.

SKUDAI – Bekas pekerja am Jabatan Landskap Majlis Perbandaran Johor Bahru Tengah (MPJBT) mengakui sebak apabila diberitahu menerima bantuan Deepavali sumbangan Yayasan Penyayang MPJBT berikutan keadaannya yang menderita penyakit diabetes.

Penerima, V Kamala, 54, berkata, dia terharu kerana masih ada yang prihatin dan sudi menghulurkan bantuan.

“Saya bekerja selama 29 tahun di MPJBT namun terpaksa bersara awal selepas kakinya dipotong sehingga paras lutut pada tahun lepas disebabkan kencing manis.

“Pada mulanya saya hanya mengalami luka sedikit akibat terjatuh semasa bekerja tetapi melarat sehingga menyebabkan kakinya dipotong. Mujur saya ada duit penceburan namun jumlah RM800 tidak men-

cukupi kerana kakak ipar tidak bekerja malah saya perlu tanggung kos perubatan setiap bulan,” katanya selepas menerima sumbangan daripada Pengurus Yayasan Penyayang MPJBT, Mohammad Khairi A Malek, baru-baru ini.

Bagaimanapun, Kamala memaklumkan, dia tidak meraikan Deepavali pada tahun ini kerana abangnya baru meninggal dunia akibat serangan jantung pada Ogos lalu.

Kamala yang tidak pernah berkahwin tinggal bersama adiknya dan balu abangnya yang hilang tempat bergantung selain tidak mempunyai anak.

Difahamkan, dia kini sedang mengharap agar permohonan untuk mendapatkan bantuan bularian Jabatan Kebajikan Masyarakat (JKM) bagi meringankan beban yang ditanggung keluarganya.



MAJLIS PERBANDARAN JOHOR BAHRU TENGAH

No. Daftar : **010-2016/003**
Tarikh : **17.10.2016 (Isnin)**
Jenis Akhbar : **Sinar Harian**
Jenis Artikel : **Info PBT**
Tajuk Artikel : **Rancang sekat kenderaan berat**



Rancang sekat kenderaan berat

ISKANDAR PUTERI - Kerajaan negeri sedang mempertimbangkan untuk memperkenalkan beberapa pendekatan baharu dalam aspek pengangkutan, sekali gus menawarkan prasarana yang moden, lestari, terancang dan berkesan.

Menteri Besar, Datuk Seri Mohamed Khaled Nordin berkata empat pendekatan dikenal pasti khususnya melibatkan kenderaan berat dalam kawasan bandar di negeri ini.

Katanya, pendekatan pertama adalah dengan menyekat kemasukan kenderaan berat ke kawasan tertentu di bandar serta membina laluan khas kendaraan berkenaan di jalan-jalan berdensiti tinggi.

"Kedua, memperkenalkan penggunaan kaedah pengangkutan yang lain bagi tujuan pengiriman barang seperti kereta api yang didapati lebih murah dan mesra alam berbanding lori.

"Ketiga, memperkenalkan rangkaian koridor pengangkutan berat dan mewujudkan sistem mobiliti barang (e-logistik) bagi memajukan operasi logistik yang lebih cekap," katanya selepas melancarkan Pelan Induk Pengangkutan Awam Negeri Johor (Pipaj) dan Perkhidmatan Bas TransJohor serta merasmikan Terminal Bas dan Teksi Gelang Patah, di sini, semalam.



Mohamed Khaled melancarkan Pelan Induk Pengangkutan Awam Negeri Johor (Pipaj) dan Perkhidmatan Bas TransJohor serta merasmikan Terminal Bas dan Teksi Gelang Patah, di sini.

Menurut Mohamed Khaled, pendekatan terakhir adalah dengan mengurangkan tahap kesesakan trafik di pusat bandar yang disebabkan oleh kenderaan berat dengan memperkenalkan konsep logistik bandaran.

"Dalam Pipaj antara lain kita mahu melihat soal mengehadkan kemasukan kenderaan berat seperti lori ke pusat bandar dan kawasan yang sering berlakunya kesesakan. Justeru, Perbadanan Pengangkutan Awam Johor (PAJ) kena buat kajian mengenai perkara ini.

"Kalau kita tidak laksanakan pendekatan baru ini, mereka akan tetap menggunakan lori di kawasan ban-

dar hingga menyebabkan masalah kesesakan, jambatan retak dan kerosakan jalan raya," katanya.

Mengulas mengenai Pipaj, beliau berkata, ia dirangka bagi mewujudkan sistem rangkaian pengangkutan di negeri ini yang komprehensif, efektif, efisien dan mampan menjelang 2020.

Katanya, pelan itu merangkumi empat aspek utama iaitu mengurangkan kebergantungan mod pengangkutan persendirian, mewujudkan sistem pengangkutan transit yang bersepadu dan mampan, menerapkan penggunaan pengangkutan hijau serta sistem logistik dan pengangkutan barang yang cekap dan lancar.





MAJLIS PERBANDARAN JOHOR BAHRU TENGAH

No. Daftar : 010-2016/004
Tarikh : 17.10.2016 (Isnin)
Jenis Akhbar : Harian Metro
Jenis Artikel : Info PBT
Tajuk Artikel : 3 inisiatif baru

Johor tambah baik sistem pengangkutan awam

Mohd Sabran Md Sani
sab@hmetro.com.my

Ikandar Puteri

Kerajaan negeri melancarkan tiga lagi inisiatif penting bagi menambah baik aspek pengangkutan awam di Johor membabitkan pelancaran Terminal Bas dan Teksi Gelang Patah, pelancaran bas TransJohor dan Pelan Induk Pengangkutan Awam Johor (PIPA).

Menyatakan bahawa kerajaan negeri melancarkan tiga lagi inisiatif penting bagi menambah baik aspek pengangkutan awam di Johor membabitkan pelancaran bas TransJohor dan Pelan Induk Pengangkutan Awam Johor (PIPA).

Dari segi kerancakan dan keseimbangan ekonomi, Johor kini sedang bergerak pantas menjadi sebuah ne-



MOHAMED Khaled (kiri) merasmikan Bas TransJohor di Terminal Bas dan Teksi Gelang Patah.

3 inisiatif baru

geri kosmopolitan dan pusat aktiviti ekonomi yang rancak, bahkan dengan penyediaan kemudahan prasarana yang lestari dan moden akan menarik kedatangan pelabur.

"Sebab itu salah satu da-

ri pada empat komponen dalam Pelan Induk Pengangkutan Awam adalah dengan mewujudkan sistem logistik dan pengangkutan barang yang cekap dan lancar bagi membolehkan urusan penghantaran dan pengurusan

mobiliti barang dilaksanakan dengan cekap," katanya.

Beliau berkata demikian ketika melancarkan tiga inisiatif baru pengangkutan awam termasuk Pelan Induk Pengangkutan Awam Negeri Johor (PIPAJ) dan Perkhid-

“Dengan penyediaan kemudahan prasarana yang lestari dan moden akan menarik kedatangan pelabur”

Mohamed Khaled Nordin

matan Bas TransJohor serta merasmikan Terminal Bas dan Teksi Gelang Patah di sini, semalam.

Hadir sama, Setiausaha Kerajaan Negeri Johor Datuk Ismail Karim; Yang Dipertua Majlis Perbandaran Johor Bahru Tengah (MPJBT) Dr Badrul Hisham Kassim; Ketua Pegawai Eksekutif Perbadanan Pengangkutan Awam Johor (PAJ) Suhairi Hashim; Speaker Dewan Undangan Negeri (DUN) Johor Tan Sri Mohamad Aziz dan Pengurus Jawatan Kuasa Kerja Raya, Kemajuan Luar Bandar dan Wilayah negeri, Datuk Ir Hasni Mohammad.

Terminal baru dinaik taraf sejak 1 September 2014 di kawasan seluas 0.6 hektar siap sepenuhnya pada 2 Ogos lalu dengan kos penyediannya ditanggung MPJBT berjumlah kira-kira RM6.8 juta membabitkan 14 lot kedai, ruang menunggu, parkir bas dan teksi serta awam.

Pada majlis itu, PAJ menerahkan sebuah buku Pelan Induk Pengangkutan Awam Johor kepada Mohamed Khaled sebelum bahan berkenaan diserahkan kepada semua pihak berkuasa tempatan (PBT) diwakili yang dipertua masing-masing.

Katanya, bagi memastikan kesejahteraan hidup rakyat terbelia, kerajaan negeri mengambil ikhtiar untuk merangka satu pelan pengangkutan yang komprehensif dan memperkenalkan sistem bas yang berkesan seperti dilakukan bas TransJohor.

"Dengan jajaran perkhidmatan sejauh 742 kilometer, perkhidmatan bas ini merangkumi 14 laluan membabitkan sembilan pihak berkuasa tempatan (PBT)," katanya.

Berdasarkan laporan katanya, seramai 16,716 pengguna menggunakan perkhidmatan Bas TransJohor di tiga daerah yang sudah mulakan operasinya.

"Semua bas TransJohor yang diperkenalkan akan dilengkap dengan kemudahan pendingin hawa, perkhidmatan WiFi percuma serta mempunyai alat pengesanan GPS bagi memudahkan pengguna," katanya.



MAJLIS PERBANDARAN JOHOR BAHRU TENGAH

No. Daftar	:	010-2016/005
Tarikh	:	17.10.2016 (Isnin)
Jenis Akhbar	:	Berita Harian
Jenis Artikel	:	Info PBT
Tajuk Artikel	:	Pendekatan baharu mantap sistem pengangkutan awam



Mohamed Khaled diiringi Ketua Pegawai Eksekutif Perbadanan Pengangkutan Awam Johor (PAJ), Suhairi Hashim (kiri) melancarkan PIPAJ dan Perkhidmatan Bas TransJohor serta merasmikan Terminal Bas dan Teksi Gelang Patah, semalam.

Pendekatan baharu mantap sistem pengangkutan awam

Ikhtiar berterusan Johor tambah baik jaringan lebih komprehensif, efisien

Oleh Junita Mat Rasid
junita@bh.com.my

Gelang Patah

Johor mempertimbangkan untuk memperkenalkan beberapa pendekatan baharu dalam aspek pengangkutan, termasuk menyekat kenderaan berat di kawasan tertentu di bandar.

Menyertai perbincangan ini, Menteri Besar, Datuk Seri Mohamed Khaled Nordin, berkata pendekatan itu turut membabitkan cadangan laluan khas kenderaan berat di jalan berdensiti tinggi.

Beliau berkata, pihaknya juga merancang memperkenalkan penggunaan kaedah pengangkutan lain bagi tujuan pengiriman barang seperti kereta api yang didapat lebih murah dan mesra alam berbanding penggunaan lori.

"Kita juga mahu memperkenalkan rangkaian koridor pengangkutan berat dan mewujudkan sistem mobiliti barang (e-

logistik) bagi memajukan operasi logistik lebih cekap," katanya.

Beliau berkata demikian selepas melancarkan Pelan Induk Pengangkutan Awam Negeri Johor (PIP AJ) dan Perkhidmatan Bas TransJohor serta merasmikan Terminal Bas dan Teksi Gelang Patah di sini, semalam.

Tambah baik sistem

Mohamed Khaled berkata, pihaknya juga mahu memperkenalkan pendekatan untuk mengurangkan tahap kesesakan trafik di pusat bandar yang disebabkan oleh kenderaan berat dengan memperkenalkan konsep logistik bandaran.

"Semua pendekatan ini adalah sebahagian besar daripada ikhtiar berterusan kita untuk menambah baik jaringan dan sistem pengangkutan di Johor khususnya membabitkan pengangkutan awam."

"Usaha ini tidak akan terhenti di sini sahaja, sebaliknya penambahbaikan akan sentiasa kita lakukan dari semasa ke

semasa," katanya.

Mengenai PIP AJ, Mohamed Khaled berkata, ia dirangka bagi mewujudkan sistem rangkaian pengangkutan di negeri ini yang komprehensif, efektif, efisien dan mapan menjelang 2020.

Sistem bersepadu, mapan
Katanya, pelan itu merangkumi empat aspek utama iaitu mengurangkan kebergantungan mod pengangkutan persendirian, mewujudkan sistem pengangkutan transit yang bersepadu dan mapan.

Selain itu juga ia menerapkan penggunaan pengangkutan hijau dan sistem logistik serta pengangkutan barang yang cekap dan lancar.

Sementara itu, perkhidmatan Bas TransJohor pula adalah penjenamaan semula bagi perkhidmatan bas antara daerah dalam negeri ini membabitkan 14 laluan sejauh 742 kilometer (km) meliputi daerah Muar, Batu Pahat, Kluang, Pontian, Kota Tinggi dan Mersing.





MAJLIS PERBANDARAN JOHOR BAHRU TENGAH

No. Daftar : 010-2016/006
Tarikh : 18.10.2016 (Selasa)
Jenis Akhbar : Utusan Malaysia
Jenis Artikel : Info MPJBT
Tajuk Artikel : 131 keluarga India terima sumbangan MPJBT

131 keluarga India terima sumbangan MPJBT

JOHOR BAHRU 17 Okt. - Yayasan Penyayang Majlis Perbandaran Johor Bahru Tengah (MPJBT) menyalurkan RM13,100 bertujuan membantu keluarga berketurunan India yang kurang berkemampuan untuk persiapan Hari Deepavali hujung bulan ini.

Pengerusi Yayasan Penyayang MPJBT, Mohammad Khairi A. Malik berkata, sebanyak 131 keluarga India antaranya terdiri dari ibu tunggal dan orang kelainan upaya (OKU) mendapat bantuan RM100 setiap satu keluarga.

Beliau yang juga Setiausaha Politik Menteri Besar berkata, sumbangan tersebut diharap dapat membantu keluarga miskin dan pada

masa dapat mengeratkan hubungan antara MPJBT dan masyarakat setempat.

"Inisiatif yang dilaksanakan ini antara usaha bagi mengurangkan kadar kemiskinan selain membantu meningkatkan taraf kehidupan masyarakat di bawah pentadbiran MPJBT.

"Pihak Yayasan juga berharap penganjuran program kemasyarakatan ini akan memberi kesan positif kepada penerima selain turut mengalukan cadangan masyarakat setempat untuk terus mengadakan program seumpama ini pada masa akan datang," katanya demikian dalam majlis Penyerahan Bantuan Deepavali di Bangunan MPJBT, Skudai, dekat sini baru-baru ini.

PERSYIHTARAN JUALAN LELONG
DALAM MAHKAMAH TINGGI MALAYA DI JOHOR BAHRU
DALAM NEGERI JOHOR DARUL TAKZIM, MALAYSIA
SAMAN PEMULA NO.: JA-24MFC-158-04/2016
PERMOHONAN PELAKSANAAN (HARTA TAK ALIH) NO.: JA-38-817-08/2016

ANTARA
BANK MUAMALAT MALAYSIA BERHAD (NO. SYARIKAT : 6175-W) PLAINTIF
DAN
1. RIZAL BIN SUKIMAN (NO. K/P : 720924-01-6201)
2. ZALIKA BINTI MOHAMEDON (NO. K/P : 730508-01-6084) DEFENDAN-DEFENDAN

AKAN MENJUAL SECARA LELONG AWAM
PADA HARI ISNIN, 7HB. NOVEMBER, 2016 JAM 10.30 PAGI
DI BILIK LELONG, MAHKAMAH TINGGI JOHOR BAHRU, JALAN DATO' ONN, JOHOR BAHRU, JOHOR

NOTA : Bakal pembeli adalah dimasihatkan agar membuat carian Hak Milik secara rasmi di Pejabat Tanah dan memerlukan semua tanggungan, bebanan serta mengenal pasti dengan tepat hartanah tersebut sebelum jualan lelong dijalankan.

BUTIR-BUTIR HAK MILIK:-
No. Hak Milik : GRN 285656 (Dahulunya HS(D) 330590)
No. Lot : 53076 (Dahulunya PTD 64960)
Mukim/Daerah/Negeri : Kulai (Dahulunya Senai-Kulai) / Kulai (Dahulunya Johor Bahru) / Johor
Pegawai Negeri : -
Koperasi/Tanah : -
Keluasan Tanah : Bangunan
Kekurangan Tanah : -
Pemilik Berdaftar : 184 meter persegi
1. RIZAL BIN SUKIMAN - ½ Bahagian
2. ZALIKA BINTI MOHAMEDON - ½ Bahagian
Cukai Tahunan : RM238.00
Syarat-Sarat Nyata : Rujuk Bil. Pelelong
Sekatan Keperingatan : Rujuk Bil. Pelelong
Bebanan : Dicakarkan kepada BANK MUAMALAT MALAYSIA BERHAD melalui No. Perserahan 42036/2007 bertarikh 4hb. Julai, 2007.
Endorsan : Lot Untuk Bumiputera.

LOKASI DAN PERIHAL HARTANAH :-
Hartanah tersebut merupakan sebuah Rumah Teres Dua Tingkat Lot Tepi yang beralamat di No. 336, Jalan Senang, Taman Bukit Senang, 81400 Senai, Johor Darul Takzim.

HARGA RIZAB :-
Hartanah tersebut akan dijual "DALAM KEADAAN SEDIA ADA" dan tertakluk kepada harga rizab sebanyak RM320,000.00 (RINGGIT MALAYSIA : TIGA RATUS DUA PULUH RIBU SAHAJA) dan kepada syarat jualan yang ditetapkan oleh Pelelong. Jumlah rizab yang dibayar tidak boleh melebihi harga rizab yang mendeleg 10% daripada harga rizab dalam bentuk bank draft/cashier's order bersama-sama dengan sumbangan yang dibayar oleh pembeli kepada **BANK MUAMALAT MALAYSIA BERHAD** sebelum jam 9.30 pagi kepada Mahkamah pada hari lelongan awam dan baki wang belian hendaklah dibayar oleh pembeli kepada **BANK MUAMALAT MALAYSIA BERHAD** dalam tempoh SUAT RATUS DUA PULUH (120) HARI dari tarikh jualan. Tiada lanjutan masa dibenarkan.

Untuk maklumat selanjutnya, sila berhubung dengan Peguambela Plaintiff atau Pelelong yang tersebut di bawah :-

NORISHAM BIN HUSSEIN
Pelelong Berlesen Negeri Johor
Tetuan Hisham Auctioneere & Management
No. 8, Jalan Baliduri 1/2,
Taman Baliduri, 81400 Johor Bahru, Johor.
HP: 012-7524903 Tel/Faks: 07-2074054
(Ruj: AUC197/16JBHC/BMMB/ARSA/fb)

TETUAN ABDUL RAMAN SAAD & ASSOCIATES
Peguambela & Peguamcara
Level 12, Menara Pelangi, Jalan Kuning
80400 Johor Bahru, Johor
Tel: 07-3342296/07-3340222 Faks: 07-3344708
(Ruj: NSS-BMMB/75836-2013/fb)



MAJLIS PERBANDARAN JOHOR BAHRU TENGAH

No. Daftar : 010-2016/007
Tarikh : 24.10.2016 (Isnin)
Jenis Akhbar : Sinar Harian
Jenis Artikel : Info MPJBT
Tajuk Artikel : "Tak perlu bayar orang lain"

'Tak perlu bayar orang lain'



Azizah (tengah) bersama sebahagian 50 peserta Kursus Usahawan Lukisan Inai Pengantin.

SKUDAI - Kira-kira 50 peserta Kursus Usahawan Lukisan Inai Pengantin menyatakan rasa teruja kerana berpeluang menyertai kursus berkenaan, sekali gus menambah teknik mengukir inai yang mempunyai permintaan menggalakkan pada masa kini.

Suri rumah, Munamariya Shahuri, 32, berkata, penglibatannya dalam kursus berkenaan adalah untuk mencari pengalaman memandangkan yuran untuk kursus selama dua hari yang dikenakan hanya RM40 berbanding sekitar RM600 hingga RM1,500 pada pasaran semasa.

"Biasanya perkhidmatan ini sinonim dengan kaum India, namun tidak salah mencubanya dan mana pula boleh mencari pendapatan samping-

an kelak.

"Lagipun, saya mempunyai ramai adik-beradik, jadi bolehlah kami praktis kemahiran itu sendiri dan tak perlu bayar orang lain," katanya selepas majlis penutup kursus berkenaan.

Kursus yang dianjurkan oleh Yayasan Penyayang Majlis Perbandaran Johor Bahru Tengah (MPJBT) itu telah disempurnakan oleh Ahli Majlis MPJBT Zon Prisma Iskandar, Azizah Nasabu.

Hadir sama Ahli Jawatankuasa Biro Badan Bukan Kerajaan (NGO) Yayasan Penyayang MPJBT, Chew Wee Foong.

Peserta lain, S Kalianayal, 18, yang turut pertama kali menyertai kursus tersebut berkata, dia sememangnya berminat dengan seni ukiran inai sejak

enam tahun lalu.

"Selalunya, tangan ibu menjadi tempat saya conteng kerana saya adalah anak tunggal.

"Namun, kini saya benar-benar gembira dapat mempelajarinya secara formal," katanya.

Seorang lagi peserta, Norazimah Norsani, 27, berkata, dia sememangnya mengambil upah mengukir inai pengantin secara sambilan sejak lima tahun lalu kerana tuntutan kerjayanya sebagai jurumekap.

"Saya serta kursus ini semata-mata mahu menambah pengalaman serta kemahiran sedia ada."

"Ini adalah kursus kali yang kesembilan saya serta," katanya.

